



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 4. An qui ex justa causa dispensatus est in abstinentia carnis, hoc ipso
liberatur abstinentiâ ab alterâ refectione?

urn:nbn:de:hbz:466:1-40993

DE VIRTUTIBUS MORALIEBUS. 29

Resp. II. Non licet cænulam sumere mane ante meridiem: quia Ecclesia præcipit, & Canones præscribunt, ut nil sumatur in cibum antè horam consuetam, quæ circiter meridiem est. Imò non licet cænulam sumere etiam meridie, dilatâ ad Vesperam Cœnâ, nisi justa causa subsit, ut ratione negotiorum per diem gerendorum, hospitum, itineris, vel si quis aliter non posset noctu dormire. *Ita Navar. Azor. Less. Layman,* dicens *banc esse communem sententiam.* quia consuetudo cænulam permittens habet, ut nocte tantum sumatur, nisi ad sit justa causa excusans: quæ tamen si absit juxta multos erit solum veniale; quia non violatur jejunium quoad substantiam, sed solum variatur ejus circumstantia non substantialis.

Q. 4. *An qui ex justa causa dispensatus est in abstinentia carnis, hoc ipso liberatur abstinētiā ab alterā refectione?*

Resp. Neg. Quia 1. istæ duæ abstinentiæ, quas lex jejunii præscribit, sunt à se invicem separabiles, & seorsim conducunt ad finem præcepti, videlicet macerationem carnis; & causa dispensationis sufficiens pro una, non semper sufficit pro duabus. Cùm autē lex plures obligationes dividua contineat; qui unam exequinequit, tenetur ad aliam, si possit. 2. Papa Romæ, & Episcopi in variis Diœcesibus, cùm dispensarunt in abstinentia carnis ob causam pro ea sola sufficientem, declararunt se non dispense-

dispensare in abstinentia à pluribus refectionibus, sed ejus obligationem relinquere. Et dicitur extare authenticā de hoc Innocentii XII. declaratio.

Q. 5. *Ant toties quis peccat mortaliter, quoties die jejunii sumit refectiones iteratam?*

Resp. Non pauci affirmant. Quia 1. juxta omnes toties quis peccat, quoties carnes comedit; quia præceptum abstinenti à carnibus est negativum, vetans ne ullo diei tempore comedantur: at præceptum abstinenti à pluribus refectionibus est etiam negativum; nam non præcipit unam refectionem, sed præcisè plures refectiones prohibet. Ergo sicut peccatur per quasvis comeditiones carnium, ita & per quotlibet, & singulas refectiones ultra unam: præcepta enim negativa violantur non solùm per 1^{um} & 2^{um} Actum, sed etiam per quoscumque alios sequentes. 2. Quando vetatur aliquid saepius, quam semel uno eodemque tempore fieri, non solùm prohibetur fieri bis, sed etiam ter, quater, &c. Sic cum Lex vetat, ne fidelis saepius quam semel eodem die communicet, aut saepius in vita Baptizetur, non solùm 2. sed etiam 3. & 4. actu violatur præceptum. Deinde mortificatio carnis, quæ est finis legis, adhuc aliqua obtinéri potest per omissionem aliarum refectionum: nam si quis mane, & in prandio se refecerit, adhuc notabilis est mortificatio se abstine-